

Na osnovu člana 16. i 18. Zakona o Vladi USK-a ("Službeni glasnik USK-a, br. 5/8), i člana 24. Zakona o upravljanju otpadom Unsko-sanskog kantona ("Službeni glasnik USK-a, br. 4/12), Vlada Unsko-sanskog kantona donosi:

UREDBU

o finansijskim i drugim garancijama za pokrivanje troškova rizika od mogućih šteta, sanacije i postupaka nakon zatvaranja deponije

Član 1.

(Opće odredbe)

Ovom odredbom propisuju se finansijske i druge garancije za obezbjeđenje pokrivanja troškova rizika od mogućih šteta, sanacije i postupaka nakon zatvaranja deponije.

Član 2.

(Vrste finansijskih garancija)

Za pokrivanja troškova rizika od mogućih šteta, troškova sanacije i postupaka nakon zatvaranja deponije mogu se obezbjediti jedna od sljedećih finansijskih garancija:

- 1) jamstvena obveznica koja garantira isplatu ili izvršenje usluga
- 2) kreditno pismo
- 3) polisa osiguranja

Član 3.

(Početni iznos i uvjeti finansijske garancije)

Iznos finansijske garancije mora biti srazmjeran troškovima procjenjenim u okviru plana za zatvaranje deponije. Plan za zatvaranje i naknadne aktivnosti na deponiji mora sadržati procjenu sljedećih troškova:

- 1) troškova zatvaranja deponije
- 2) troškova održavanja i popratnih aktivnosti nakon zatvaranja deponije kao i nadgledanja utjecaja zatvorene deponije na okoliš 30 godina nakon dana prestanka istovara otpada na deponiji

- 3) troškova za preventivne mjere koje mogu biti neophodne za slučaj nepredviđenih šteta po okoliš 30 godina uslijed nepovoljnih uvjeta nakon dana prestanka istovara otpada na deponiji: operater će za ovu kategoriju troškova dati prijedlog visine financijske garancije po osnovu specifičnih uvjeta, a nadležni organ će prijedlog prihvatiti ili korigovati.

Procjena troškova iz stava 1. tačka 2. ovog člana će se naknadno korigovati u ovisnosti od inflacije i drugih izmjena koje se mogu javiti u toku rada pogona na nominalne troškove do prestanka trajanja financijske garancije.

Član 4.

(Opći zahtjevi za dobivanje financijske garancije)

Za pokrivanje troškova iz člana 1. ove Uredbe prihvatit će se financijska garancija ukoliko kumulativno ispunjava sljedeće uvjete:

- 1) da je izdata prije početka važenja okolinske ili dozvole za upravljanje otpadom (u daljnjem tekstu: dozvole)
- 2) da je sačinjena tako da financijska sredstva budu dostupna u svakom momentu da bi se moglo pravilno izvršiti zatvaranje deponije, provesti propratne aktivnosti, nadgledanje, i potrebna restauracija za sprečavanje ili ublažavanje nepoželjnih utjecaja na okoliš, u roku iz člana 3. stav 2. tačka 2. ove Uredbe.

Član 5.

(Jamstvena obveznica koja garantuje isplatu ili izvršenje usluga)

Operater deponije može obezbjediti pokrivanje troškova iz člana 1. ove Uredbe ako obezbjedi jamstvenu obveznicu koja garantuje isplatu ili izvršenje usluga, pod uvjetima iz člana 4. ove Uredbe.

Jamstvenu obveznicu izdaje pravno lice ovlašteno da daje jamstvo u Federaciji Bosne i Hercegovine. Vrijednost jamstvene obveznice uvijek mora biti najmanje jednaka obimu obaveza za koje su namijenjene.

Jamstvena obveznica mora biti formulirana tako da kantonalno ministarstvo za okoliš može da naplati novčana sredstva od strane operatera deponije, vezanih za zatvaranje, propratne i/ili restauracijske aktivnosti.

Član 6.

(Kreditno pismo)

Operater deponije može obezbjediti pokrivanje troškova iz člana 1. ove Uredbe kreditnim pismom, pod uvjetima iz člana 4. ove Uredbe.

Kreditno pismo izdaje pravno lice ovlašteno da izdaje kreditna pisma u Federaciji Bosne i Hercegovine. Kreditno pismo mora biti neopozivo i period njegovog važenja mora biti najmanje jedna godina, a iznos najmanje jednak trenutnim procijenjenim troškovima za zatvaranje, propratne i/ili restauracijske aktivnosti.

U kreditnom pismu treba biti naglašeno da se period trajanja može produžiti automatski nakon datuma isteka važenja kreditnog pisma za period od najmanje jedne godine, osim u slučaju da je Institucija za izdavanje poništila kreditno pismo tako što je dostavila pismo o opzivu operateru na deponiji i kantonalnom ministarstvu za okoliš tri mjeseca prije poništenja.

Član 7.

(Polisa osiguranja)

Operater deponije može obezbjediti pokrivanja troškova iz člana 1. ove Uredbe polisom osiguranja, pod uvjetima iz člana 4. ove Uredbe.

Polisu osiguranja izdaje pravno lice ovlašteno da izdaje polise osiguranja u Federaciji Bosne i Hercegovine (u daljnjem tekstu: Osiguravajuće društvo).

Polisa osiguranja izdaje se na nominalnu vrijednost koja je najmanje jednaka trenutnim procjenama troškova za zatvaranje, popratne i/ili restauracijske aktivnosti za sprečavanje i ublažavanje nastalih šteta po okoliš

Polisom osiguranja garantira se da će kada otpočne aktivnosti na zatvaranju i restauraciji deponije. Osiguravajuće društvo isplatiti novčana sredstva operateru deponije ili drugom ovlaštenom licu, u punom iznosu nominalne vrijednosti police.

Osiguravajuće društvo će odobriti zahtjeve za naknadu troškova za zatvaranje, propratne i/ili restauracijske aktivnosti na deponiji, ako su oni opravdani i ako se dostavi kompletna dokumentacija troškova.

Operater treba poslati kopiju obrazloženja i dokumentaciju troškova kantonalnom ministarstvu za okoliš i izvijestiti kanton o izvršenoj uplati, osim ako kantonalno ministarstvo za okoliš nije stranka koja podnosi zahtjev za naknadu.

Polisa osiguranja sadrži odredbu kojom se dozvoljava dodjeljivanje polise nasljedniku operatera. Ova dodjela može biti uvjetna sve do odobrenja Osiguravajućeg društva, osim ako odobrenje nije bezrazložno odbijeno.

U polisi osiguranja mora biti naglašeno da Osiguravajuće društvo ne smije otkazati, okončati ili odbiti produžiti polisu, osim u slučaju neizmirivanja premije osiguranja.

Automatsko produžavanje polise mora osiguraniku obezbjediti opciju produžetka polise najmanje na nominalnu vrijednost polise koja ističe.

Ako se ne izmiri premija osiguranja, Osiguravajuće društvo može poništiti polisu tako što će dostaviti pismo opoziva operateru tri mjeseca prije poništenja. Kopiju pisma opoziva polise osiguranja potrebno je dostaviti kantonalnom ministarstvu za okoliš.

Član 8.

(Ažuriranje procjene troškova)

Tri godine nakon procjene obaveza operatera deponije vezanih za zatvaranje, propratne i/ili restauracijske aktivnosti jednom u tri godine, operater je dužan ažurirati prethodne procjene.

Ako ažurirana procjena troškova za obaveze zatvaranja, propratnih i/ili restauracijskih aktivnosti na sprečavanju negativnih utjecaja na okoliš prekorači iznos financijske garancije, operater je dužan da u skladu sa tim uveća iznos financijske garancije.

Ako su ažurirani procijenjeni troškovi manji od iznosa financijske garancije, operater može da umanji iznos financijske garancije u skladu sa navedenim, ako uvjeti ugovora to dozvoljavaju

Operater deponije dužan je izvijestiti kantonalno ministarstvo za okoliš o ažuriranim procjenama troškova, kao i o svim poduzetim izmjenama u financijskim garancijama.

Član 9.

(Poništavanje)

Ako dođe do otkazivanja ili poništavanja financijske garancije iz bilo kojeg razloga u vrijeme dok je operater na deponiji financijski odgovoran za zatvaranje, popratne i/ili restauracijske aktivnosti, operater je dužan da obezbjedi novu financijsku garanciju u roku od 3 mjeseca nakon otkazivanja ili poništavanja.

Ako je finansijska garancija poništena ili otkazana institucija ovlaštena za obezbjeđivanje finansijskih garancija dužna je o tome obezbjeđiti način za dobijanje finansijske garancije, nadležni organ može obustaviti ili poništiti dozvolu.

Član 10.

(Stupanje Uredbe na snagu)

Ova Uredba stupa na snagu narednog dana od dana objavljivanja u „Službenom glasniku Unsko-sanskog kantona“.

Broj: 11-02-8070-1/2012

Bihać, 14.08.2012.

PREMIJER KANTONA

dr.sci Hamdija Lipovača